

پساک

== میل : ۶ ==

== جلد : ۲ ==

مدیر: جمال سام

ناشری : تورک بیلگی و سنکی

== آیدہ برجیقاد ==

== حزیران ، ۱۳۳۰ ==

== بوصاییدہ ==

عرقک تورکوسی محمد امین


فلسفہ عمومیه به مدخل رضا توفیق

دارلفنون خارجندہ کی لطفی
علمی مؤسسہ لک

هندستاندہ تورکک (رسولی) اوقنای قآن

ان خلدون نظیرندہ اسلام
حکومتلریک استقبالی احمد ذکی وایدی

بر معادلہ اقتصادیه علی مختار



فیثائی : بش غروش

بر معادله اقتصادی

یرلی اصناف آوروپا ماللرینه ناصل رقابت ایده بیلیر ؟

جهالتدن هنوز تماماً قورتولاماش اولان بزم کیبی مملکتلرده عادتدر ؛
اقتصادی بر بجران، برفلاکت کلدیمی ، خلق بونک حقیقی سیبیلرینی آرایوب
بولماز . فقط ایکی یه انقسام ایدهر، قباحتی بری برلرینه اسناد ایدهر دورورلر .
اصل فلاکت اوکه بوایکی حزبک هیچ بری دردک تداویسی چاره لرینی دوشونمز
بیله ؛ مقصد ، اساس اونودولور ، کیدهر .

صنایع محلیه مزک انحطاطیله مملکت مزک ایکی صنف خلق آراسنده صوک
زمانلرده باش کوسترن معارضه لر بوقیلدن ده کلمی ؟ بزده بویوک دارالصناعه لر،
جسیم تجارتخانه لر یوقدر ، اونلر ا کثریته اجانب آئنده . فقط سنه لر دن وحتی
عصرلردن بری افراد ملتک مهم بر قسمنی بسله یین ، احتیاجات مزک خاطری صاییلیر
بر مقدارینی دفعه کفایت ایدهن کوچوک ومتوسط صنعتلر، تجارتلرده موجوددر .
حال بویله ایکن آوروپا ایله مناسبات تجاریه مز باشلایالیدنبری بونلرک بر چوغی
آزار آزار منقرض اولویور . هله اومعمولاتی کیبی بوکون بیله ظرافت اعتباریله
یکتا عد ایدیلن مصنوعات بوتون بوتون اورتادن قالقیور .

بونک سببی ارباب صنایع و تجارت مزه صورارایسه کزر رغبت سزلک ، مشتری نک
آوروپا اتمعنه سنه کوستردیکی مبالغه کارانه میل دیر . فقط برده مشتری یه مراجعت
ایده رسه کز ؛ آلا جغکز جواب بونک بوتون بوتونه عکسی اولور : استحصالات
محلیه استهلاکاتدن پک نقصان ؛ تجار و ارباب صنعت احتیاجات مزی تقدیر ایتمکدن ،
مشتری بی ممنون ایتمکدن عاجز دیرلر .

فی الحقیقه مشتری ایله تجارت و صنایع ارباب نک بو متقابل شکایتلری محتاج
تدقیق بر مسئله در ؛ استقلال واستقبال اقتصادیمزه تعلق ایتدیکی ایچین بر مسئله

حیاتیه در . اوت ، کافه احتیاجاتمز یرلی ماللریله کافی درجه ده دفع ایدیله مز . فقط مستحصلاتمز دن نه قدارینی صرف ایدیورز ؛ آلیجی بولونماقدن صوکر ا فضله اعمالاتده بولونمقده ارباب صنعتی افلاسه سوق ایتمکدن باشقا برشیته یاراماز . بویله بر بحراندده اولکی قدار مهلکدر .

بزجه ارباب صنایع و تجارتمزك أجنبي تا جرلرینه قارشى قویا ماملری یرلی ماللك آوروپا اتمعنه سنه رقابت ایدمه مه سی باشلیجه اوچ سبیدن ایلری کلیر . اولاً ، ایچمزده چالیشدقلری حالده اصنافمز محصول صنعتلرینی ، دنیانك اوبر کوشه سندن کلن اتمعنه اجنبیه دن داها آز کوسترمکه موفق اولور ، ماللری اوزرینه نظر دقتی داها آز جلب ایده بیلیر ، حاصلی اونلری بزده داها آز طانیتا بیلیرلر . حالبوکه صاتیلغه چیقان اشیایی خلقه کوسترمك ، سودیره بیلیمك اوقادار اهمیتلی بر کیفیتدرکه باشلی باشنه بر صنعت مخصوصه وجوده کتیر مشدر ؛ بو ، بر مهارتدر ، عادتاً بر علمدر . بر کره آوروپا تاجرلرینك بو خصوصده اختیار ایتدکلی مصارفی ، فداکارلقلری نظر اعتباره آلك . دیگر طرفدن ارباب تجارت وصناعتمزك ، مشتری کلسین ، بزى بولسون ، دییه متوکلا نه ، عاطلانه طوروب انتظار ایتمه لرینه باقك : اونه اُنْدیشه ، نه فعالیت ، بونه لاقیدی ، نه حرکتسزلك ! آوروپا تجارتینك اونظر فریب جامکانلرندن ، اعلانلرندن ، دکانلرده کی ظرافت وحسن طبیعتدن طوتوکده ، دنیایی قاریش قاریش طولاشان خصوصى سیمسار لرینه قدار برربرر تدقیق ایدك ؛ بونلرك هر برنده نظر تقدیری جالب بر صنعت ، بر مهارت ، فقط عین زمانده بر فداکارلق کورورسکز . هله اتمعنه یه کلنجه ، مشتربنك ذوقنه ، کیسه سنه اویغون بر حالده عرض ایتك اونلرجه اك جدی بر مشغله دیمكدر .

برده بز مکیلره باقالم : حقیقتده بوکون مملکتمزده نه چیقور ، نه اعمال اولونویور ، آدام عقللی بیلور می یز ؛ ارباب تجارت و صناعتمزى مختفی بولوندقلری کوشه بوجاقلرده آرایوب بولمق ایچین وقتمزك مهم بر قسمنی بوایشه حصر ایتمه مز لازم کلیر . یرلی مالی اکثریا آوروپا معمولاتندن داها صاغلام اولور ، دییورز ؛ هایدی بویله اولسون ، فقط علی الاکثر معمولات محلیه مز

أجنبي أمتعه سندن داها بهالی ده کلی ؟ فیئات مسئله سی ایسه تجارتده اُک جان آلا جق بر مسئله در. بالخاصه بیه جکنی کونی کوننه تدارک ایدهن بزم کیبی فقیر ملتدرده دفعهً مثلاً بشیوز غروش صرف ایدوب ایکی سنه قوللانیلا بیه جک بر پالطو آلمقدن ایسه اوچریوز غروشدن هر سنه برر پالطو یایدیرمق اکثریت خلقه أهون کلیر. نیته کیم متانت جهتیله آلمان ماللرینه تفوق ایدهن انکلیرا اُمتعه سنک مملکت مزده داها آز رغبت بولماسی ده بوندن نشأت ایدهر .

یا ظرافت جهتی ؛ اوده بریکی قادار مهمدر . حتی فیلسوفلردن بری انسانده زینت سودا سنک سائر احتیاجاته بیه تقدم ایتدیکنی ادعایه قادار وارییور . هر حالده کافه احتیاجاته تقدم ایتمه سه بیه ینه بونلردن بر چوغنه فائق بر اهمیت حائزدر . بوتون بوجهتلر ارباب صنعت و تجارت ایچین کمال جدیتله نظر اعتباره آلیاجق شیلردر . مصنوعات و معمولات ملیه یه مستهلک لک زوق و احتیاجنه موافق بر شکل و یرمک ، اونلری هر کسک کوزینه چارپاجق صورتده تشهیر ایتمک ، حاصلی اونلری طانیت مق ایجاب ایدهر . یوقسه ایکیده برده اولدینگی کیبی حمیت ملیه بی ایلری سورمک عالم تجارتده هیچ بر فائده تولید ایدهر . ایتسه یدی ، فرانسزلرک آلمانلره قارشى بسله دکلی نفرت و خصومتدن آلمان اُمتعه سنک ، آلمان تجارتینک بوکون پارس پیاسه سنی تحت استیلا یه آلدق لری کورمز ایدک . بویله اولمقله برابر یا لکلر بزده دکل ، معارفک تربیه تجارتیه نک اُک زیاده منتشر بولوندینگی مملکتلرده بیه کوچک اصناف ماللرینی صائمقده مشکلات چکیور . اورادده اُجنبی رقابتی بزده اولدینگی قادار بویوک تخریبات ایقاع ایدهر . ایتسه ده ینه جسم فابریقه لر و تجارتخانه لر اصحابنک رقابتی اونلرایچین پک مهلاک بر شکل عرض ایلر . مادی و معنوی هر درلو محرومیتلر ایچنده یو وارلانان کوچوک و حتی متوسط صنعت و تجارت اربابی مشتری جلب ایتمک خصوصنده پک محدود بر موفقیت کویستره بیایرلر .

اصحاب صنایعک صاتیش خصوصنده کی شو عجز و نقصانلرینی رفع ایدهر بیه جک یکانه چاره بینلرنده بومقصدله تأسیس ایدهر جکلری قوا و پهراتیف شرکتلریدر . آوروپاده کوچوک مستحصللرک ماللرینی صائمق اوزره تشکل ایدهن بونوع

شرکتلر شیمدی یه قادار پک ده کوزهل نتیجه لر ویرمه مشدر . مع مافیه بوئی هرشیدن اول اورانک احوال خصوصیه سنه عطف ایتک ایجاب ایدره . چونکه اورا زده کوچوک اصناف بری برلرینی چکه مزلر ، یکدیگرلرینه قارشى بی آمان بر رقابت آچارلر . اتفاق و اشترا کدن زیاده نفاق واسترقابده بر منفعت تصور ایدره لر . بوندن دولایى بوکیى شرکتلرک تأسیسنه پک ده یاناشمق ایسته مزلر ؛ ایسته عدم موفقیتک یکانه سببی بودر . یوقسه تأسس ایله یه بیلدکلری یرلرده ومثلاً آلمانیا ده آپى فائده لری کورولدی .

زده بونلر داها سهولتله تشکل ایده بیلیر . چونکه اک بویوک مانع — که رقابتدر — اصنافز آراسنده همان همان یوق صایلا بیلیر . بزم کوچوک صنایع و تجارت اربابنده — حتی انسانی مایوس ایده جک درجه ده فضله — بر قناعت کورولویور . طبیعی قناعتک بودرجه سنده رقابت اولاماز ؛ مانع رزق اولمق قورقوسی اصنافی عادتاً بر رابطه اخوتله یکدیگرینه باغلامشدر . اوحالده هر صنعت اربابی ایچین بر آرایه کلوب مثلاً « ترلکجی صاتیش قواوپه راتیف شرکتی » ، « سراج صاتیش قواوپه راتیف شرکتی » الخ . . . کیى مختلف معمولات داخلیه یی سوره جک شرکتلر تأسیس ایتک وهر شرکتجه لزوم کوریله جک محاملرده دکانلر آچمق قادار قولای برشی اولاماز . شرکتده داخل اصنافک چوجقلری سائرلرینه ترجیحاً بومغازه لرده صاتیجی صفتیه استیخدام ایدیلرکله ده ماده و معناً داها بویوک استفاده لر ائده ایدینک ممکندر . ماهر و معلوماتلی بر هیئت فعاله نک تحت اداره سنده بولونا جق بوکیى مغازه لر بالنسبه داها چوق واسطه لره مالک بولونور ؛ اها لی یه اتمعه یی داها کوزهل طائیتا بیلیر ، مستحصللره مشترینک ذوقی خصوصنده داها نافع نصایحده بولونور . حاصلی اتمعه نک فروختی و بناء علیه استحصالاتک تزیدی خصوصنی داها کوزهل تأمین ایده بیلیرلر . وبو ، مستحصللرک دکان صاحبی ایسه لر ، آیری آیری مغازه لر ننده ده آلیش ویریش ایتمه لرینه ده مانع اولاماز . بالعکس ماللری اوزرنده اسم و آره سلری بولوندیغی تقدیرده کندیلرینی برده بو صورتله اعلان ایتمش اولورلر .

اصنافلرک ایکینجی بر نقصانی ده مبايعاتده کورولور . هر یردن زیاده مملکت مزده

أصناف مواد ابتدائية و خصوصيه آلات صناعيه اشتراسته رهبره ، تشويقه محتاجدر . ايسترايشله نه جك خام اشيانك اولسون ، ايستراعمالاتده قوللانيلاجق ادوانك اولسون ، طوپدن اشتراسييله پراكنده صانئون آليناسي بيننده فيئاتجه فرق ايمه سي پك طيعيدر . مصارف استحصاليله نك آز وياچوق اولماسي ايسه اشيانك فيئاتي اوزرينه بويوك برتأثير اجرا ايدر . اوجوز آلنيمش مواد ابتدائية دن معمول بر مال هر حالده بازارده اوجوز صاتيلا بيلير ، فيئات جهتيله اولسون اجنبي اتمه سنه رقابت ايدم بيلير . حالبوكه كوچوك اَصنافك اويله طوپدن برخيلي مواد ابتدائية صانئون آلماسي امكاني يوقدر . اولسه اولسه يا آوروپا تجاري طرفدن كتيريلديكي حالده آلدن آله كچرك اصل فيئاتنك برقاج مثلنه چيقدقدن صوگرا صانئون آلير ، ياخود قوميسيونچيلره سپارش ويره رك كتيرته بيليركه اوده عيني حساب ديمكدرك . يرلي اَصناف دوعرودن دوعرويه آوروپاده كي تجار ايله تماسده بولونماز ، بولونماز . بوكا حالي ، موقعي مساعد ده كل ؛ لسانه ، معاملات تجاريه يه ، آوروپا پياسه سنه واقف اولماديغدن ايشني هر حالده آراده واسطه لق ايدمن اَشخاصك ، اُمنيت واعتماده لايق اولمقدن پك اوزاق بولونان ، وجداننه حواله اتمكه مجبور قالير .

بركره مالك اُييسي ديه ، بونلرك زاوللي اَصنافه پك بهالي يه صاندقلى اشيابه باقك ؛ يوزده دوقسان بشي محلنده باقمغه بيله كلمه يه جك خورده شيلردن عبارت . صنعتنه عاشق براسلام قوندوراجيسي طانيورم ؛ بومراقله بر ايكي كره فرانسه و اينكيلترديه كيده رك فابريقالري دولاشمش ، حالي مملكتتمزده پك قولاي تضادف اولونماز بر صنعت آدمي . بونلكه برابر آوروپادن حاضركلن قوندورالره معادل بر چيفت پوپين ياپماز ، ياپارسه خارجدن كلنلره فيئات خصوصنده رقابت ايدم مز . نيچين بيليرميسكنز ؛ چونكه برنجي نوع ديه اجنبي تجار معرفتيله پياسه مزه ادخال ايديلن دهريلر ، اوراده كوردكلرينك ايكنجي نوغندندن داها آشاغي . برنجي نوعي كتيرته بيلمك ايچين آوروپايه كيدوب اونلري كورمه لي ، اوكره نمه لي وبعده قوميسيونجي يه اوراده كي فيئاتك لاقلا ايكي مثلي تاديه ايمه لي ، طيعي بو شرائط تحتنده ميدان فروخته چيقاريلاجق اشيابه آوروپادن معمول اولارق كلن مماثللرييله رقابت ايدم مز .

آلات و ادوات صناعیه کلهجه ، بونلرکده چوغی آوروپاده استعمالدن ساقط اولمش، استانبول اوتوبوسلری کیی برقچ کره یکیمی چیقمش، حاصلی فابریقانک جوقدنبری صانیلاماش، اشیای آنبارینه آیلیمش ماعلری. ذاتاً آلتده کی بابادن قالما وسائطدن باشقاسنی کورمه مش بولونان، تجدیدی پک قولایجاقق قبول ایتمین کوچوک اصنافز بونلره سهولتله یاناشاماز. اماوقت قازانیلاجقمش، مصرف آزالاجقمش، داها نفیس مال چیقاجقمش، بیلمه م شویله بر فائده کوریله جقمش. اونلره قولاق بیله ویرمک ایسته مز. چوق کره بوحر کتنده ده حقلیدر؛ بیچاره، سفیسطه لره قولاق ویرمش اولمانک جزاسنی بعضاً او قادار مدهش بر صورتده چکدی که آل ایله، آیاق ایله ایشله یین عصر دیده دستکاهنی عینی زمان ظرفنده اوچ بش دفعه فضله مال چیقاراقق دورت بیکیر قوتنده کی خفیف موتورلی برما کینایه ترجیح ایدر.

کرک مواد ابتدائییه و کرک ادوات صناعیه یی، خارجدن اولسون، داخلدن اولسون، دوغروندن دوغروییه محللرندن جلب ایده جک، فایدالرینی، فرقرینی تقدیر ایده جک، اونلرک تعمیمیه استحصالاتک تکثرینه خدمت ایده بیله جک نه او کوچوک تجار ویا صنعتکاردر، نه ده صرف بر منفعت ذاتیه آرقاسندن قوشان قومیسو نیجی در. اصناف یاپاماز، عجزی بوکامانعدر؛ قومیسو نیجی ویا اجنبی تجارده یاپاماز، چونکه اکثریا اک چوق منفعت ویره ن، کار کتیره ن اک صاغلام واک کوزهل مال ده کلدرد.

اوحالده کوچوک ومتوسط اصنافی تنویر وارشاد ایده جک، مبیاعات خصوصنی تسهیل ایده جک کیم اولابیلیر؟ بز بوسؤاله قارشنی ینه قواوپه راتیف شرکتی دییه جکز. قواوپه راتیف شرکتی طوپردن بر چوق مبیاعته بولوناجق، اونلری جزئی برکارله صاتاجق در. بر مبیاعات قواوپه راتیف شرکتندن حصه دار اصناف صاتون آلدینی اشیانسیبتنده هم فیاتدن قازانیر، هم ده اولنسیبتده برا کرامیه آلمقله ده مستفید اولور. آلاجق اموالی مشترینک منفعتی نقطه نظرندن تدقیق ایدرک دوغروندن دوغروییه محللندن جلبه موفق اولاجق اودر. اصحاب معلوماتدن بولونمقله برابر صنعتک کهنه؛ آوروپا پیاسه سنه، اختراعات جدید سنه واقف

هیئت‌لرک تحت اداره‌سنده اولمق اوزره هر صنعت ارباب طرفندن تاسیس ایدیلرک بومبایعات شرکتلری عثمانلی اصفافه پک جدی خدمت‌لر ایفا ایدیه بیلیرلر. بونلرک عددی آوروپاده پک چوق اولدینگی کیی ایفای وظیفه خصوصنده ده بویوک خدمت‌لری کورولمه مش ده کلدر.

فقط صاتیس و مبیایعات قواوپه راتیف شرکتلری کوچوک صنایع و تجارت ربانک محتاج اولدقلری وسائطی احضاره کفایت ایده مز. بونلرک معاوتی، ارشاداتی ألزم بولونمقله برابر اصفافک أل زیاده احتیاج کوردیکی سرمایه نقدیه بی تدارک ایده مز. حالبوکه ینه هریردن زیاده بزم مملکت مزده تشبثات صغیره نک نقصانی أل چوق حس ایلهدیکی برشی وارسه اوده پارادر. دییه بیلیرز که یوقاریده عرض ایلهدیکمز ایکی نقصانک وجودی اصفاف مزده نقد و اعتبار مالینک فقدانندن نشأت ایتکده در. اتمعیه تشهیر ایتک، اصلاح ایتک، صاتمق، ادوات لازمه بی شرائط معقوله داخلنده آلمق پک آی؛ فقط بوتون بونلر پارا ایله اولور. پارا اولمادقندن، پارا بولمانک امکانی بولونمادقندن صوکره بونلر بردورلو حصوله کله مز. حالبوکه أل آز اعتبار مالیسی بولونان ده اصل بو کیی ایکی قولنه، قولتوغنه صیغیره بیلرک ایکی پارچه آلتدن باشقا تأمینات نامنه کوستره بیلرک هیچ بر سرمایه سی اولمایان زاوالیلردر. فی الحقیقه، دیگر بر مقاله مزده دیدیکمز کیی اعتبار شخصی اعتبار حقیقی به نسبت آداها واسعدر. فقط بومسئله بر پارچه محتاج ایضا حدر.

اعتبار شخصی ده مقرضی تأمین ایدن شی مدیونک حال و وضعیت عمومیه سی، ثروت مادیه، شهرت و قیمت معنویه سیدر؛ اعتبار حقیقیده مستقرض بوندن ماعدا مادی بر رهن ویریرکه تسویه دین ایدمه دیکی تقدیرده مقرض سائر آلا جقیلرله ترجیحاً پاراسنی اوندن استیفا ایتک صلاحیتنی حازدر. اعتبار شخصی دیگرینه نسبة داها بسیط اولدینگی ایچین تاریخک بوتون دورلرنده آز چوق موجود اولاکلشدر. بونکله برابر بوکونکی وسعتنی، مکملیتنی کورمک ایچین پک أسکی زمانلره کیتمه مه لیدر. چونکه اعتبار شخصی بر چوق عصرلر یالکیز اقربا، دوست و قومشو آراسنده جریان ایتکشد. زمان مزده بونوع اعتبارک

انتشاری سویه مدنی و اقتصادی نك تكاملی، قواعد حقوقیه نك اکتساب متانت
 ایله مش اولماسی سایه سنده در . مع مافیه مستقرضك درجه ناموس وجدیتی
 حال و ثروت نقدی حقیقه تحقیقات اجرا ایتك ممکن اولان طبقات اجتماعی ده
 اعتبار انكشاف و انبساط ایدر . بناء علیه اك چوق بویوك تجارت و صناعت
 أصحابی آراسنده وقوع بولور . بویوك كوچوك چیفتلك و زراعت أصحابیله تشبثات
 صغیره اربابی بیننده ایسه داها زیاده بر بطائله انتشار ایتكده در . یوقسه
 من القديم و حتی بوكون بیله مختلف اشكال قانونیه سیله اك چوق مستعمل اولان
 اعتبار حقیقیدر . بناء علیه ثروت نامنه هیچ برشیئه مالك اولمایان بر آدامك
 سلمه السلام استقرار ایدر چك پارا بولابیله چكنی تصور ایتك صافدرونلقدردر .
 پارا بولسه بیله بونی بك آغیر شرائطه ، بك یوكسك فائضله تدارك ایدر بیلیر .
 او حالده بوكاده بر چاره بولمق لازمدر . بز، آوروپاده كوریلن مؤسسات
 مماثلدن جسات آلاق ، بو خصوصده قواویره راتیف شكلنده اهالی بانقارینك
 تأسیسی لزومنی ادعا ایدر چكز؛ بوراده ده كوچوك متشبثلر مزك كندی خیرلرینی
 كنديلرندن بکله مه لرینی توصیه ایدر چكز . اهالی بانقارلی بحثی باشلی باشنه بر
 قاج مقاله ایله ایضاح ایدیلکه محتاج بر مسئله مهمه در . بناء علیه تفصیلاتدن
 شمديلك صرف نظر ایتك مجبوریتده ایسه كده بوبابده داها بر قاج سوز سويله مكده
 فائده دن خالی ده كلدر .

بویوك بانقارلك كوچك أصنافه پارا اقراض ایتمه سی مشكل بر کیفیتدر .
 او حالده طعمكار مرابحه جیلرك ألنه دوشمكدن ایسه بوكی أصحاب تشبثك كوچوك
 بر فداكارلقه تصرف ایدر بیله چكلی پارایی ، بر آرایه كلهرك ، آزار آزار
 منتظم تقسیطلرله مشترك بر صانديقده بیریکدیرمه لرلی بك قولای بر
 شیدر . آیدر مثلاً یاریم لیرا طویلایوب بورایه یاتیرمق أصنافدن بر
 بر چوق کیمسه ایچین ایشدن بیله ده كلدر . قوندوراجیدن ، ترزیدن ، بقالندن
 مرکب بر هیئت مؤسسه نك تشکیل ایدر چكی بویله بر بانقا ، شركانك عددینه
 و تقسیطلرك مقدارینه كوره بویوجك بر سرمایه طویلایابیلیلر . چونكه آرتیق
 تأمینات مقامنده اولارق كوزله كورولور بر پارا بولونقدن صوكراسائر مؤسسات

اعتباریه دن ده معتدل بر فائضله استقر اضلرده بولونمق بانقا ایچین ممکن اولور. كذلك شرکادن باشقا برچوق سرمایه صاحب لرینک امانت اولارق پارا یاتیرماسی دخی امکان داخلنده در .

فقط بویله بر بانقانک ابراز موفقیت ایتیه سی بر قاج شرطه متوقفدر : اولاً : أهالی بانقارلی شرکانک معاونت متقابلیه سی اساسنه مستند بولوندقلری ایچین اونلر آراسنده نامحدود بر تکافل قانونی موجود اولمق اقتضا ایدره. یعنی اعضای شرکتدن هربری یالکیز بدایه تعهد ایلهدیکی آچه یی پیدرپی صانديغه تسلیم ایتمکه مسئولیت مالیه دن تماماً قورتیلمش عد ایدیلهلیدر ؛ چونکه او قادار بر پارای ویرمک بانقانک اساس تشکلی شرائطنددر . ذاتاً بر قواوپه راتیف أهالی بانقاسی دیمک ، مجبوری بر تصرفله بریانه پاره بریکدیریلهرک تشکیل ایدیلش بر مؤسسه اعتباریه دیمک ده کلیدر ؛ اویله ایسه مؤسسهرلی کافی درجه ده تصرفه قابلیت کوسترمه یین بر بانقانک ایکی کونلک عمری اولمق طبیعی در ؛ باشقا بر سرمایه سی اولمایان بویله بر مؤسسه نك باشقا بر صورته مظهر اعتبار اولماسی ده قابل اولاماز .

بزم بوراده نامحدود بر کفالت قانونیه دن مقصدمز ، مستقرض شرکادن بری تأدییه دینه موفق اولمادن بانقانک ضررینه اولارق افلاس ایدهرسه دیگر اعضای شرکتک اشتراك ایتدکلری حصه نسبتنده حصوله کلن آچیغی قاپاتمغه قانوناً مجبور طوتولمالریدر . عکسی تقدیرده بانقا بر شرکت تعاونیه اولاماز ، آنویم ویاخود قوماندیت دیمک اولور ؛ یالکیز وضع اولونان سرمایه نسبتنده مسئولیت مالیه یی ایجاب ایتدیره ن آنجاق بوشرکتلردر . شوقادار وارکه مقرض ومستقرضه نك منحصرأ کوچوک ومتوسط اصنافدن اولماسی ده شرط ده کلدر ؛ استقراضاتده بولوناچق اشخاصک اعضای شرکتدن غیر کیمسه لردن عبارت بولوندیغی تقدیرده رهن کوسترمه لری ویاخود اعضای شرکتدن برینک کفالتی تحتنده پارا آلمالری سلامت معاملات ایچین کافی عد اولونابیلیر . کندیلرینه پارا استقراض ایدیله جک بوکیبی اشخاصک بین التجار عاداته واقف ، حسن حال ایله مشهر ، سعی وتصرفله وباء علیه قرضاً آلدیغی پارای حسن استعمال ایتمکه

معروف ذواتدن بولوندیغی مثبت برشی اولمالیدر. یوقسه اقراضاتی شرکایه حصر ایتمک ویالکنز اولردن امانت آچمه قبول ایتمک معاملاتک محدود قالماسه انتاج ایدر. اومقرض ومستقرضلری یالکنز برصنف خلقدن عبارت بولونان مؤسسات اقتصادی بحرانلره پک دایاناماز.

ثانیاً، حصه سنداتی پک آشاغی بر فیأنده اخراج اولونماقله برابر منتظماً تأدییه سی قولای اولابیله جک قادار اوافق أسهامه تفریق ایدیله لیدر. حصه سندلرینک بویله کوچوک تقسیطلرله تأدییه اولونابیله جک بر شکلده اخراجی شرکت اعضاسنی تصرفه آلیشدیرر؛ بانقا بوحالده اُک جدی ومکمل بر تصرف صانیدیغی وظیفه سنی ایفا ایله مش اولور. مع مافییه، کندی پاراسیدردییه، حصه دارلردن بری استقراض ایدر جک اولدقده فائضک مقدار و صورت تسویه سی خصوصنده اشخاص سائردهن زیاده بر امتیازی اولاماق ایجاب ایدر؛ بالعکس استقراض ایدر نلردن عمومیتله طلب اولونا جق گذشته، تصرف ایتدکلری پارایی بانقایه اقراض ایدرک معاونت نقدیه ده بولونان حصه دارلره ویریلن فائضک نسبتندن اُپی یوکسک اولمالیدر.

ثالثاً، سائر شرکتلرده اولدینی کیی بوندن ده چیقاجق کارک اعضای شرکتیه حصه اشتراکلری نسبتنده توزیعی ایجاب ایلر. بوراده نظردقته آلینا جق بر جهت ده شودر: قواوپه راتیف شرکتلرده مبايعاتده بولونان شرکایه مبايعه ایتدکلری اشیانک مجموع فیأتنه نسبةً کاردن بر حصه مکافات رد واعطا اولونور. أهالی بانقالرنده ایسه بوجائز ده کلدر؛ چونکه منفعتدن زیاده ضرر تولید ایدر. بو، عادتاً حقیقی بر احتیاج موجود ده کل ایکن شرکایی استقراضه تشویق ایتمک دیمک اولور که تجویز ایدیله جک بر حرکت ده کلدر. أهالی بانقالری نقدی سرمایه به محتاج اولوبده معتدل شرائط تحتنده پارا استقراض ایدر مهین صناعی وتجاری تشبثلرینی پاراسزلک حسیله ایلریله تمک امکاتی بولامایان دوشکون اُصناف ایچیندر. یوقسه کور کورینه بونلری پارا استقراضنه آلیشدیرمق، دوکون کیی مقصد تجارت خارجنده بر طاقم ایشلر ایچین بورجه تشویق ایتمک بر ضرر اجتماعی دیمکدر.

بوانقارک اُك چوق بولونديغی مملکت آلمانیا و ایتالیادر ، بورالرده ایضا
 ایلهدکلی خدمات تصورك خارجنده در. بزده ، نه وقت مملکتتمزده بومثللو
 مؤسساتك تشکل وتکثرینی کورورسهك اوزمان شایان مرحمت برحاله بولونان ،
 سرعتله سقوط و انقراضه قوشان ملی صنایع وتجارتمزك اعاده حیات ایده بیله جکی
 امیدلرینی حاصل ایده بیلیرز. یوقسه اجنبی رقابتدن قورتولوب محکم اساسلراوزرینه
 براقتصاد ملی تأسیس ایتمهك امکانی اولاماز .

مالیه مکتبی معلملرندن

علی مختار

